



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Synodus Landavensis II. Ab Ovdoceo Praedicto, Tertio Landauiae episcopo,
ad Podum Carbani vallis conciliata, in Morcanti regi
s absolutionem.

urn:nbn:de:hbz:466:1-15324

patriam suam manentibus in his terris, in campo & in silua, in pascuis & in aqua. Prima, Riugraenau, II. Nantauan, III. est in qua occisus est Cynetu, vltra Nadauan: IIII. trans Nadauan, vbi filius regis mœchatus est, a palude Eleti vsque Nadauan, id est, villa Gudberdh. De illis quatuor, viginti quatuor modii terrarum.

De clericis testes sunt, Oudoceus episcopus, Consen abbas Carbani vallis, Catgan abbas Ilduti, Sulgen abbas Docunni, &c. De laicis, Mouric rex cum filio suo Frioc, & nepote Marrant filio Athruis, &c.

SYNODVS LANDAVENSIS II.

AB OUDOCEO PRÆDICTO,

Tertio Landauicæ episcopo, ad Podum Carbani vallis conciliata, in Morcanti regis absolutionem.

INSINUANDVM est quod sanctus Oudoceus cum sua congregatione, & Concen abbas sancti Catoci, & Sulgen abbas Docunni, & Congen abbas Ilduti, cum omni sua congregatione, & Morcant rex, & Frioc patruus suus, venerunt omnes ad Podum S. Ilduti, & ambo Morcant rex & Frioc, presentibus illis omnibus super altare S. Ilduti antepositis sanctis reliquiis, iurauerunt ita vt simul firmam pacem inter se sine dolo tenerent. Et ita tali conuentione, vt si vnus alterum occideret, aut ei dolum inferret, nullo se alio modo redimeret, agro nec argento, sed regnū suum quietum clamaret, & vitam suam totam duceret in peregrinationem. Post multum vero temporis, suadente diabolo, occidit rex Morcant Frioc patrum suum dolo: & eo occiso, venit rex Morcant ad Oudoceum episcopum, veniam requires de periurio facto, simul cum homicidio perpetrato, ad ecclesiam Landauiam.

Et audita eius petitione, mandauit episcopus Oudoceus propter abbates trium congregationum suarum, Concen abbatem Catoci, Sulgen abbatem Docunni, Congen abbatem Ilduti, cum suis clericis congregatis in vnum in sancta Synodo, omnibus ab ostio Taratyrin Guy vsque ad ostium Tiui. Et venit rex cum senioribus Morcannuc obuam illis ad Podum Carbani vallis, ad recipiendum iu-

ANNO
CHRISTI
560.

dicium de malefacto suo cum summa satisfactione.

Et plena Synodus, presentia Oudocei episcopi, iudicavit propter orbitatem regni, ne fieret sine protegente clypeo domini naturalis, peregrinationem illius ieiuniis & orationibus & eleemosynis redimere, simul cum homicidio periurium expurgare. Et rex Morcant assensu seniorum Morcannuc posuit manum suam super quatuor euangelia & reliquias sanctorum, tenente illa Oudoceo; & promittit in primis se emendaturum de predicto facinore sicut predictum est, ieiunio & oratione & eleemosyna: & insuper promittit se nunquam tale quid amplius facturum, & se in omnibus regalem iustitiam misericorditer acturum. Iuncta ei poenitentia ad modum facinoris, & ad illius qualitatem, quantitatem, potentiam; & data sibi communionem Christiana, ablata prius sibi ab episcopo Oudoceo, clamavit tres congregationes Catoci, Ilduti, Docunni, liberas ab omni regali seruitio, Deo & sanctis Teliauo, Dubricio, Oudoceo, & omnibus successoribus suis: & ita cum omni sua dignitate & privilegio SS. Dubricii, Teliaui, in perpetua consecratione ecclesie Landaviae, & virem mellis, & lebetem ferream, quae ecclesia S. Ilduti regi debebat reddere, quietam rex Morcant clamavit, &c.

SYNODVS LANDAVENSIS III.

SVB OUDOCEO TERTIO

Landauensi episcopo, ab ostio Guy vsque ad ostium
Tiui, Landaviae congregata:

*Qua Guidnerth fratrem in causa regni interficiens,
excommunicatus est.*

SCITOTE carissimi fratres, quod in tempore Oudocei episcopi diabolica admonitione occidit Guidnerth fratrem suum Merchion causa contentionis regni, & perpetrato homicidio, fraticida excommunicatus est a beato Oudoceo, & a Synodo congregata ab ostio Guy vsque ad ostium Tiui Landaviae, & ita remansit depositis crucibus ad terram simul, & cymbalis versis tribus annis sub eadem excommunicatione, & ex toto, sine aliqua Christia-